



KENYATAAN MEDIA SURUHANJAYA INTEGRITI AGENSI PENGUATKUASAAN

LAPORAN SIASATAN EAIC MENGENAI ADUAN AADK NEGERI SEMBILAN (SEREMBAN) MELEPASKAN PENAGIH YANG DIDAPATI POSITIF DADAH SEMASA OPERASI SERBUAN

***UNTUK SIARAN SEGERA
10 JUN 2025***

Suruhanjaya Integriti Agensi Penguatkuasaan (EAIC) telah menerima aduan terhadap Agensi Antidadah Kebangsaan (AADK) Negeri Sembilan berhubung dakwaan berkaitan tindakan melepaskan beberapa individu yang didapati positif dadah semasa operasi serbuan yang dijalankan di Kampung Felda LBJ, Labu, Negeri Sembilan pada 8 Mac 2023. Siasatan ini dijalankan berdasarkan kepada aduan yang diterima mengikut subseksyen 27(4) Akta Suruhanjaya Integriti Agensi Penguatkuasaan 2009 [*Akta 700*].

HASIL SIASATAN

Siasatan mendapati bahawa—

- (a) terdapat keterangan yang menunjukkan bahawa beberapa individu yang didapati positif dadah semasa serbuan tersebut telah dilepaskan, yang mana perbuatan tersebut merupakan kesalahan di bawah seksyen 221 Kanun Keseksaan; dan
- (b) beberapa orang pegawai AADK didapati tidak mematuhi Prosedur Operasi Standard (SOP) AADK yang berkaitan semasa melaksanakan operasi tersebut.

Sehubungan itu, EAIC memutuskan untuk—

- (a) merujuk dapatan perlakuan jenayah kepada Pendakwa Raya menurut subperenggan 30(1)(c) Akta 700; dan
- (b) merujuk dapatan berkaitan kesalahan tata tertib oleh pegawai-pegawai AADK terlibat kepada Pihak Berkuasa Tata tertib dengan syor hukuman tata tertib menurut subperenggan 30(1)(b) Akta 700.

#TAMAT#

**SURUHANJAYA INTEGRITI AGENSI PENGUATKUASAAN (EAIC)
PUTRAJAYA**

Untuk maklumat lanjut berkaitan kenyataan media ini sila hubungi Unit Komunikasi Korporat, EAIC di talian 03 8880 5719 / 03 8880 5721 / 03 8880 5731.